

〔崑陽漫錄三〕上書

金剛峯寺の衆徒、文觀が長者を停めんと請ふ狀、太平記に見えず、參考太平記にもみえず、寶鏡抄にあり、其文左の如し、其頃、高野の衆徒、とかく法外にやかましきものとみえたり、

金剛峯寺衆徒等、誠惶誠恐謹言、請被特蒙天裁、停止東寺勸進聖文觀法師、猥補長者、恣掌宗務狀、右謹考舊貫、巨唐長安城之左街、有伽藍、隋文帝勸願號之大興善寺矣、本朝平安城之東京、有精舍、桓武聖主、叡願名之教王護國寺焉、○中然間、元弘元年、幸當寺、拜鷲王護國之尊容、建武又幸此砌、遂鴈塔供養之勸願、叡信超他寺、朝賞勝餘宗、自門光花、煽于此時也、爰有相似、苾芻、其名云文觀、本是西大寺末寺、播磨國北條寺之律僧也、兼學算道、好卜筮、專習呪術、立修驗、貪欲心切、憍慢思甚、入洛陽、伺朝廷、掠賜證道上人之職、遂爲東寺文勸進之聖、苟以隱遁、黑衣之身、謬列綱維、崇班之席、外號智識聖人、內稱醍醐座主、偏被繫名利之欲、曾無慚愧之心、未改蝙蝠似鳥之質、忽成鷹鳩變眼之思、剝補一長者、恣掌正法務、未曾有之珍事、不可說之次第也、○中望請天裁、被早停止文觀、東寺之一長者、并當山座主職者、佛家繁榮、遠添龍花樹之春色、王化照明、遙續星宿劫之曙光矣、不耐懇欸之至、衆徒等誠惶誠恐謹言、

建武二年五月 日 金剛峯寺衆徒等上

〔先哲叢談後編七〕片岡如圭 ○中

如圭謂人曰、我東方自天兒屋命、始以太古卜事、中世揚火灼龜、能決疑義、兆效極多矣、後世其儀沒而不傳、唯星卜歌兆之小義、偶存、亦得巫祝之手、卑陋猥雜、不足以取焉、近世山崎嘉馬場信武等著易說、概先修之糟粕耳、意匠心織之人、不知活機在於占筮、以不正之規矩、揣自然之方圓、所以易術之不復古也、

〔甲陽軍鑑二品第八〕判兵庫星占之事、附長坂長閑無面目仕合之事